

U Sarajevu je dana 30.01.2020. na inicijativu Generalnog Sekretara GS BiH, održan sastanak sa predstavnicima golf klubova iz Bosne i Hercegovine. Pismeni poziv za sastanak, zajedno sa informacijom o tematici sastanka, upućen je svim klubovima u BiH dana 20.01.2020.

Na sastanku su bili prisutni generalni sekretar GS BiH gosp. Nedim Čehajić, predsjednik GK SARAJEVO gosp. Sead Balić, predsjednik i generalni sekretar GK KRIVAJA gospoda Haris Mujanović i Adnan Šabanović i predsjednik GK SMREKA gosp. Sanjin Radonja. Sastanku se nisu odazvali predstavnici GK POSUŠJE bez ikakvog pismenog ili usmenog obrazloženja.

Tema sastanka je bila kalendar takmičenja za 2020 godinu, sa naglaskom na definisanje budućeg principa formiranja istog. Ovaj princip podrazumjeva prvenstveno poštovanje turnira u organizaciji Golf Saveza BiH od strane svih klubova i od strane svih golfera pojedinačno. Prema zajednički postignutom dogovoru svih prisutnih a u cilju razvoja i podrške golfu u cijeloj Bosni i Hercegovini, definisani su termini svi turnira u organizaciji Golf Saveza BiH. U 2020 godini bit će ukupno 8 turnira u organizaciji GS BiH. Termine kada se budu održavali ovi turniri, golf klubovi su dužni ispoštovati na način da u te dane ne organizuju bilo kakve klupske turnire i time omogućće svojim članovima učešće na turnirima Državnog ranga.

U isto vrijeme, prilikom određivanja termina za klupske turnire, vodilo se računa da se ispoštuju želje klubova za određenim terminima i da se datumi turnira međusobno ne preklapaju ili da se preklope u minimalnom obimu koji se ne može izbjeći. Na taj način će biti omoguććeno svim BiH golferima i golferima van BiH da uzmu učešće na klupskim turnirima na kojima žele igrati a bez ugrožavanja klupskih turnira i interesa drugih klubova.

Za 2020 godinu su usvojene određene izmjene u broju i mjestu odigravanja turnira koji se boduju za BH Masters, potom nagrade za najbolje plasirane igraće na BH Mastersu, kao i lokacije odigravanja pojedinih kola Klupske Lige BiH.

Izmjene se ogledaju u sljedećem:

1. Umjesto dosadašnja 4 turnira, od ove godine će se za učešće na BH Mastersu bodovati 3 turnira.

2. Turniri koji će se bodovati za BH Masters su:

- Državno Prvenstvo BiH

- Kup BiH

- President Kup Golf Saveza BiH

3. Ovi turniri će se rotirati po mjestu održavanja, tako da će u trogodišnjem ciklusu svi navedeni turniri biti održani na sva 3 terena koji trenutno postoje u BiH. Ova rotacija je i razlog što ovi turniri u svom nazivu ne sadrže imena klubova ili gradova.

4. Turniri koji su se do sada bodovali za BH Masters a to su "Posušje Open" i "Zavidovići Open" se ne ukidaju i klubovi ih mogu nastaviti organizovati kao klupske turnire.

5. Lokacije odigravanja pojedinih kola Klupske Lige BiH će se također rotirati, tako da će u trogodišnjem ciklusu svi klubovi organizovati sva kola Klupske Lige BiH, odnosno bit će domaćini završnog 5. i 6. kola Klupske Lige BiH.

6. Za najbolje plasirane igraće (5 igrača) na BH Mastersu koji će se igrati u Sarajevu, od ove godine će Golf Savez BiH uz pehare obezbjediti i nagrade u ukupnoj novčanoj protuvrijednosti od 5.000 KM. Detalji o ovim nagradama će biti naknadno objavljeni.

Na inicijativu Generalnog Sekretara dogovoreno je da se od ove godine organizuje proglašenje najboljeg igrača golfa u Bosni i Hercegovini po kriteriju MVP (Most Valuable Player). Usvojen je kriterij da to bude igrač sa najvećim brojem osvojenih brutto poena na svim zvaničnim handicap turnirima u BiH. Osnova za zbrajanje poena su zvanični rezultati objavljeni na BH Golf Portalu. Namjera je da se na ovaj način golferi stimulišu da igraju što veći broj turnira. Proglašenje najboljeg igrača golfa u BiH bi se vršilo svake godine u mjesecu novembru, jer bi se takmičarski period definisao od 01.12. jedne kalendarske godine do 30.11. druge kalendarske godine. Iznimno za ovu godinu, takmičarski period će biti od 01.02. do 14.11.2020. kada bi se u Zavidovićima održao 8. turnir u organizaciji GS BiH (jednodnevni turnir) nakon kojeg bi se izvršilo ceremonijalno proglašenje najboljeg igrača golfa u BiH. Također će biti objavljena i lista 10 najboljih igrača golfa u BiH.

Proglašenje najboljeg igrača i održavanje MVP BiH turnira će se također rotirati i u trogodišnjem ciklusu bi svi klubovi bili domaćini ovog završnog događaja u sezoni.

Također je otvorena mogućnost da se svake godine dodjeli priznanje za fair play potez ili djelo godine ili za doprinos razvoju i širenju golfa a što će biti definisano u narednom periodu.

Termini odigravanja turnira u organizaciji Golf Saveza BiH za 2020 godinu su:

1. Klupska Liga BiH

1. i 2. kolo	Sarajevo	18. i 19.4.2020.
3. i 4. kolo.	Posušje	30. i 31.5.2020.
5. i 6. kolo	Zavidovići	20. i 21.6.2020.

2. Individualni turniri

Državno Prvenstvo BiH	06. i 07.6.2020.
Kup BiH	11. i 12.7.2020.
President Kup GS BiH	12. i 13.9.2020.
Sberbank BH Masters	09.,10. i 11.10.2020.
MVP BiH turnir.	14.11.2020.

Ispred Golf Saveza zahvaljujem se na saradnji i kooperativnosti svim prisutnim predstavnicima golf klubova i očekujem da ćemo i dalje uspješno sarađivati i činiti dobro za razvoj golfa u BiH.

Golferski pozdrav,

Generalni Sekretar GS BiH
Nedim Čehajić